



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Angela De Fvlginio, In Qvo Ostenditur Nobis vera via qua
possumus sequi vestigia nostri Redemptoris**

Angela <de Fulginio>

Parisiis, 1598

c. 41. De 5. consolatione & visione sanctissimi Sacramenti in qua vidit
Angelos adornantes altare quoddam ad nuptias celebrandas, vnde
cognouit quod in breui erat ipsa transitura de hoc mundo.

urn:nbn:de:hbz:466:1-43716

Quadragesimum primum capitulum.

De quinta consolatione & visione sanctissimi Sacramenti, in qua vidit Angelos ad ornantes altare quoddam ad nuptias celebrandas, unde cognovit quod in brevi erat ipsa transitura de hoc mundo.

IN quadam infirmitate dum desiderarem communicare multum in festo Angelorū, nec esset qui mihi apportaret sacratissimum corpus Christi, cœpi multum dolere, & ecce in ipso dolore & desiderio communicandi, cœpi cogitare de ipso festo Angelorum laudem ipsorum, qualiter Deum laudant assidue, & cœpi considerare in exercitio, quod habent Angeli laudando Deum & sibi ministrando & assistendo. Et ecce subito fui eleuata, & statim affuit multitudo Angelorum maxima, & deduxerunt me ad vnum altare, & dixerunt mihi. Hoc est altare Angelorum,

& super altare ostenderunt ipsi animæ laudē Angelorū, illū scilicet qui est omnis laus, & dixerūt Angeli animæ: in isto qui est super altare, est perfectio, & complementum sacrificij, quod tu quæris. Et ideo præpara te ad recipiendum illum, qui te desponsavit annulo sui amoris, & coniugium iam factum est, & ideo de nouo, modo vult facere coniugium & copulam. Non possum autem exprimere quantum lætitiā suscepi, quia totum hoc sentiebat anima in veritate, quia hoc totum erat defectio, multo plenius quàm possit exprimi verbo. Per hoc autem significatum est mihi, quod citò migratura eram de hoc seculo: nam hoc fuit circa principium meæ infirmitatis vltimæ.

H v